

# وارلیق

VARLIQ

Dil, Ədəbiyyat, Mədəniyyət və Cəmiyyət Araşdırmaları Dergisi

Dil, Edebiyat ve Toplum Araştırmaları Dergisi

Journal of Language, Literature, Culture and Social Studies

İkinci Dönem. Sayı: 2022: 27(1), ss. 7-8

Telif Haqqı@Varlıq Dergisi

## سونوش

### • دوكتور محمد رضا هيئت

دگرلی آراشدیرماجیلار، سئوگیلی اوخوجولار؛

۲۰۲۲-جی ایلین ایلك سایسی، ایکنجی دؤنمین ایسه ۲۷-جی سایسی ایله قارشینیزداییق.

درگیمیزین بو سایسیندا چئشیدلی قونولارا عاید ۷ بیلیمسل مقاله یئر آلمیشدیر.

قوزئی آذربایجان ایلك جمهوریتی (۱۹۲۰-۱۹۱۸) دؤنمینه عاید جیدتی آراشدیرمالاری و آرشبولمه چالیشمالاری اولان دیلغم احمد، «آذربایجان دموکراتیک جمهوریتی پارلامنتی نین تاریخی، میسیونو و چؤکوشو» باشلیقلی مقاله سینده مجلس مبعوثانین آچیلیشی سیراسیندا ایزلهنن یولو، بو مجلسین اوستلندیگی و یئرینه گتیردیگی تاریخی میسیونو و سونوندا گئچجی ده اولسا ییخیلیشی ایله باغلی چوخ دگرلی بیلگیلر وئرمکده دیر.

«سوسیال مدیانین تورک دیلینه ائتکیسی» باشلیقلی مقاله ده مروه ارشاهین، تکنولوژی نین گلیشمه سی ایله اورتایا چیخان یئنی قاوراملارین قارشیلانماسی کیمی سوسیال مدیا آراجلاری نین دا دیلده یاراتدیگی یئنی قاوراملارین گؤستريلمه سی و قارشیلانماسی احتیاجینی بلیرتیرکن، بو قاوراملارین تورکجه اوزرینده کی اولوملو و اولومسوز یؤنلرینی دگرلندیرمیشدیر.

علی شاهین «اتنو-میلّیتچی حرکتلر آچیسیندان ایرانین اتنیک سیاستلری» آدلی مقاله سینده ایران دا اتنیک و دینی آزینلیقلارین آنا یاسال استاتوسو و او یغولامادا کی دورومونو اینجه له یهرک، قاجارلاردان اعتباراً، اؤزلیکله پهلوی لردن گونوموزه قدرکی سورجده ایران یؤنه تیمی نین اتنیک پولیتیکالارینی تک- تک اله آلمیشدیر.

ابراهیم ساوالان «آذربایجان جمهوریتی نین ایران سفیری» باشلیقلی یازیسیندا بیرینجی آذربایجان جمهوریتی نین قورولوشوندان همن سونرا ایرانا سفیر اولاراق گؤندریلن، دؤنمین

آیدین دیپلوماتلاریندان عادل خان زیادخانین شخصیتی و سفیرلیگی بویونجا گۆردویو ایشلر حاقیندا بیلگی وئرمکده دیر.

دوکتور پروانه ممدلی «جمهوریت مطبوعاتینا بیر باخیش» آدلی مقاله سینده ۱۹۱۸-۱۹۲۰ ایللری آراسیندا آذربایجاندا یایینلانان قزتلر حاقیندا گنل بیلگی وئررک، بو قزتلرده محدامین رسولزاده نین قلمیندن چیخان سیاسی و اجتماعی مقاله لره توخونموشدور.

شبنم جباری «ایراندا شیعه تورکلرین یاس تۇرنلرینده اسلامیت و تورکلوک» آدلی مقاله سینده تورکلرین اسلام اۇنجه سی و اسلام سونراسی یاس تۇرنلرینده او یغولادیقلاری آیینلر و بو آیینلرده اسلامی و یا تورکلوکله ایلگیلی عنصورلارا اشاره اولوناراق هر ایکسی نین ده ایزلری و ائتکیلیری اینجه لنمیشدیر.

«آپاردی سئلر سارانی» حکایه سی نین چئشیدلی واریانتلاری دیلک مولازیمین مقاله سینده اینجه لنمیش، حسن مجیدزاده ساوالانین قلمه آلدیغی و گئیشلتدیگی واریانتلا یاخین جوغرافیدا یاغین اولان دیگر واریانتلار قارشیلانمیشدیر ■